

**ՀԱՇՎԵՏՎՈՒԹՅՈՒՆ ԱՌՈՂՋԱՊԱՀՈՒԹՅԱՆ և ՍՈՑԻԱԼԱԿԱՆ ՈԼՈՐՏԻ
ՀԱՐՑԵՐԻ ՎԱՐՉՈՒԹՅԱՆ 2026 ԹՎԱԿԱՆԻ ԱՌԱՋԻՆ ԿԻՍԱՄՅԱԿԻ
ԳՈՐԾՈՒՆԵՈՒԹՅԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ**

2026 թվականի առաջին կիսամյակի ընթացքում Առողջապահության և սոցիալական ոլորտի վարչությունն իր գործունեությունն իրականացրել է Հայաստանի Հանրապետության օրենսդրության, կառավարության որոշումների, ոլորտային ռազմավարությունների և մարզպետի հանձնարարականների շրջանակներում:

Վարչության առաջնահերթ նպատակը եղել է մարզի բնակչությանը մատուցվող առողջապահական և սոցիալական ծառայությունների արդյունավետության բարձրացումը, պետական ծրագրերի պատշաճ իրականացումը և շահառուների իրավունքների պաշտպանությունը:

Հաշվետու ժամանակահատվածում համակարգվել և վերահսկվել է մարզի բժշկական կազմակերպությունների գործունեությունը, ապահովվել համագործակցությունը բուժհաստատությունների ղեկավարների, համայնքների և ոլորտային այլ կառույցների հետ: Իրականացվել են աշխատանքային այցելություններ, խորհրդակցություններ և քննարկումներ՝ առողջապահական ծառայությունների մատչելիության, որակի և կազմակերպման հետ կապված խնդիրների բացահայտման և լուծման նպատակով:

Մարզային ենթակայության **2** բժշկական հաստատություն՝ «Եղեգնաձորի պոլիկլինիկա» ՓԲԸ-ն և «Վայքի պոլիկլինիկա» ՓԲԸ-ն մատուցում են միայն արտահիվանդանոցային ծառայություններ:

Պոլիկլինիկաներն ունեն **258** աշխատակից, որից՝ **53** բժիշկ և **135** բուժքույր, առկա են թափուր հաստիքներ:

2026թ. հունվար-հունիս ամիսների ընթացքում բուժհաստատություններում իրականացվել է **45մլն 972հազ** դրամի վճարովի ծառայություններ 2025թ. նույն ժամանակահատվածում **45մլն 308հազ** / աճը **664** հազար/:

2026թ. հունվարի 1-ից գործում է առողջության համընդհանուր ապահովության համակարգը, որի արդյունքում զգալի աճել է հաճախումների թիվը՝ **2025թ.** առաջին կիսամյակում **49793** այց, **2026թ.** առաջին կիսամյակում **92004** այց / աճը 1,8 անգամ/:

Լաբորատոր գործիքային հետազոտությունների թիվը **2025թ.** առաջին կիսամյակում կազմել է **75718**, իսկ **2026թ.** առաջին կիսամյակում **94728** /աճը 1,2անգամ/:

Շտապ օգնության կանչերի թիվը **2025թ.** կազմել է **5293**, որից՝ **75** տեղափոխում Երևանի տարբեր բժշկական կենտրոններ, **2026թ.** նույն ժամանակահատվածում՝ **4631** կանչ, **88** տեղափոխում մայրաքաղաքի բժշկական կենտրոններ:

Եղեգնաձորի պոլիկլինիկայում գործող ակնաբուժական կենտրոնում **2026թ.** առաջին կիսամյակում իրականացվել է **189** վիրահատություն, **2025թ.** նույն ժամանակահատվածում՝ **94** վիրահատություն /աճը մոտ 2 անգամ/:

Կարևորում ենք նաև պատվաստումային գործընթացը, որն իրականացվում է համաձայն պատվաստումային օրացույցի: **2026թ.** վեց ամիսներին մարզի պատվաստումների ընդգրկվածության ցուցանիշը կազմում է **95-96** տոկոս:

Պետական պատվերով բուժման, հետազոտության, դեղապահովման նպատակով **10** քաղաքացու համար միջնորդագրեր են ներկայացվել Առողջապահության նախարարություն, **9-ը** ստացել է դրական պատասխան, **1-ն** ընթացքի մեջ է:

Առողջարանային վերականգնողական բուժման Զերմուկի «Արարատ» մոր և մանկան առողջարան է ուղեգրվել **20** երեխա, իսկ Ապարանի վերականգնողական-առողջարանային կենտրոն՝ **2-ը**:

ՀՀ կառավարության **2026թ. 309-Ն** որոշմամբ Երևանի Մխիթար Հերացու անվան պետական բժշկական համալսարանում /բուժական գործ/ մասնագիտությամբ սահմանված **47** նպատակային ուսուցման տեղերից **5-ը** տրամադրվել է մեր մարզին: **2025-2026թթ.** ընդունելության քննություններին մասնակցելու համար **10** քաղաքացու հատկացրել ենք տեղեկանքներ:

Իրականացվել և իրականացվում է կետրոնացված և մարդասիրական խողովակներով հատկացված դեղորայքով և բժշկական պարագաներով ապահովման գործընթացը, վերապատրաստման օնլայն և առկա կրեդիտավորման դասընթացներ՝ ավագ և միջին բուժաշխատողների, նեղ մասնագետների համար:

Եղեգնաձորի պոլիկլինիկայի միջոցներով ձեռք է բերվել «Ֆիլիպս» մակնիշի համակարգչային շերտագրման սարք, ամբողջովին թարմացվել է կոշտ և փափուկ գույքը, ձեռք են բերվել ֆիզիոթերապևտիկ սարքավորումներ / էլեկտրոֆորեզ, ֆոնոֆորեզ, հարվածային ալիք/ վերանորոգվել և հարմարեցվել են տարածքներ՝ «Դենտալ» համակարգչային շերտագրման ստոմ. սարքի և մամոգրաֆ սարքի տեղակայման համար: Ձեռք է բերվել անհրաժեշտ քանակությամբ համակարգչային տեխնիկա:

2026թ. –ին ընդհանուր ապահովագրության ներդրումից հետո Եղեգնաձորի պոլիկլինիկայում աշխատավարձի բարձրացումը կազմել է **40** տոկոս /1,4անգամ/, Վայքի պոլիկլինիկայում՝ **13** տոկոս:

Սոցիալական պաշտպանության ոլորտում

Շարունակվել է համագործակցությունը համայնքների ՄՍԾ-ի տարածքային կենտրոնների և ոլորտային այլ կառույցների, ՀԿ-ների և միջազգային կազմակերպությունների հետ: Աշխատանքներ են իրականացվել պետական սոցիալական աջակցության /Ղարաբաղից տեղահանվածների, զինծառայողների բնակարանային պայմանների բարելավման, տարեցների և հաշմանդանություն ունեցող անձանց ծրագրերի կազմակերպման ուղղությամբ:

Վարչությունն աջակցել է սոցիալական աջակցության կարիք ունեցող ընտանիքների, տարեցների, հաշմանդանություն ունեցող անձանց, երեխաների և խոցելի այլ խմբերի հիմնախնդիրների լուծմանը:

Հաշվետու ժամանակահատվածում քննարկվել են քաղաքացիների դիմումները, առաջարկությունները և բողոքները, որոնց մեծ մասին տրվել են սպառիչ պարզաբանումներ կամ իրականացվել են համապատասխան ընթացակարգեր՝ գործող օրենսդրության պահանջներին համապատասխան:

2026թ. առաջին կիսամյակին քաղաքացիներից ստացվել է **116** դիմում, հունվար ամսին դրամական օգնություն է տրամադրվել **36** քաղաքացու /1 510 000դ /, **80** դիմումատուի տրվել են համապատասխան պատասխաններ:

Ընտանիքի, կանանց և երեխաների իրավունքների պաշտպանության ոլորտ

Իրականացվել է համագործակցություն ՆԳՆ համայնքային ոստիկանության գլխավոր վարչության Եղեգնաձորի, Վայքի և Զերմուկի բաժինների հետ, կատարվել են այցելություններ բռնության գործով հաշվառվածներին, բռնության ենթարկված անձանց, ինչպես նաև հաշվառման մեջ գտնվող իրավախախտ անչափահասների ընտանիքներ՝ հաշտության վերականգնման և կանխարգելիչ աշխատանք իրականացնելու նպատակով:

2026թ. հուլիսի 1-ի դրությամբ ոստիկանության Եղեգնաձորի բաժնում հաշվառված է **12** անչափահաս իրավախախտ, բռնություն գործադրած **24** անձ և երեխաների վրա

բացասական ներգործություն ունեցող **6** ծնող, Վայքի բաժնում՝ բռնության դեպքով **4** անձ և **8** անձ՝ Ջերմուկի բաժնում:

Խնամակալության և հոգաբարձության մարմինների, ոստիկանության և կրթական հաստատությունների հետ համատեղ աշխատանք է տարվել կրթությունից դուրս մնացած **1** և ռիսկի գոտում հայտնված **11** երեխաների և նրանց ընտանիքների հետ՝ հանրակրթություն վերադարձնելու նպատակով:

Իրականացվել է որդեգրման **1** գործընթաց, որդեգրված երեխան «Երևանի մանկան տուն» ՊՈԱԿ-ից տեղափոխվել է որդեգրողի ընտանիք:

Կատարվել են խնամատար ծնող դառնալ ցանկացող **3** անձի հաշվառմանն ուղղված աշխատանքներ, ամենամսյա այցելություն խնամատար ընտանիք՝ հոգեզավակի խնամքի նկատմամբ վերահսկողություն իրականացնելու նպատակով:

«Մանուկ» ենթահամակարգ է մուտքագրվել կյանքի դժվար իրավիճակում գտնվող **67** երեխայի վերաբերյալ տվյալներ:

Մարզպետի աշխատակազմի և համապատասխան կառույցների համագործակցությամբ՝ մարզի զոհված, հաշմանդամություն ունեցող զինծառայողների, աշխարհազորայինների, ծնողազուրկ, անապահով և բազմազավակ ընտանիքների **7-13** տարեկան դպրոցահասակ **120** երեխա ամառային հանգիստն անցկացրել է ՀՀ Կոտայքի մարզի «Հասմիկ» առողջարարական ճամբարում: